



tešanjski BILTEN

Interno informativno glasilo, Godina XVII, juni 2012. Broj 53



U ovom broju:

Rebalans budžeta



**Predsjedavajući
Predsjedništva BiH
u Tešnju**



**Prečišćavanje
otpadnih voda**

**Studijska posjeta
Tešnju**



Obilazak privrednika

Omladinski parlament

Omladinska banka

juni/lipanj 2012.



IDEJA!

BIZNIS PLAN

PODRŠKA OPĆINE

VLASTITI BIZNIS

**javni konkurs
za najbolje
poslovne
ideje za mlade**

**Tvoja IDEJA!
Tvoj BIZNIS!
PRIJAVI SE!**

Detaljne informacije na: telefon 032/650-022
e-mail: mirnes.dedukic@opcina-tesanj.ba
www.opcina-tesanj.ba,
Javni poziv je otvoren od 02. aprila, a prijem aplikacija od 15. maja do 29. juna 2012. godine.



tešanjski BILTEN



Internoinformativno glasilo Općine Tešanj

Redakcija

Edina Kadušić, Ferid Mustafić, Suad Huskić,
Kanita Gredelj i Bahrudin Nočić.

Glavni i odgovorni urednik

Edina Kadušić

Adresa Redakcije

Općina Tešanj, trg Alije Izetbegovića 11, 74260 Tešanj
Telefoni 032/650-341 i 032/650-022 (lokal 107),

Fax 032/650-220

E-mail press@opcina-tesanj.ba

Tiraž 2.000

Štampa:

POPIS STANOVNIŠTVA

Obavještavaju se građani na području općine Tešanj da Federalni zavod za statistiku u saradnji sa Federalnom upravom za geodetske i imovinsko-pravne poslove i Federalnim ministarstvom prostornog uređenja vrši pripreme za izradu kartografske dokumentacije za provođenje Popisa stanovništva, domaćinstava i stanova, na osnovu Zakona o popisu stanovništva, domaćinstava i stanova u Bosni i Hercegovini 2013. godine.

Pripremu kartografske dokumentacije za popis, na području općine Tešanj, kao izvođač usluga je konzorcij ANGERMEIER doo Sarajevo i GAUSS doo Tuzla.

Molimo da predstavnicima spomenutih firmi omogućite nesmetan rad na terenu prilikom obilaska teritorija radi određivanja granica statističkih i popisnih krugova, kao i ažuriranje stanja objekata, ulica i kućnih brojeva.

KANTONALNI POTICAJI POLJOPRIVREDI

Kantonalno ministarstvo za poljoprivredu, šumarstvo i vodoprivredu Zenica objavilo je Uputstvo o poticanju poljoprivredne proizvodnje ostvarene na području kantona u 2012. godini.

Korisnici sredstava mogu biti fizička i pravna lica koja na propisanom obrascu podnesu zahtjev sa potrebnom dokumentacijom Općini ili Ministarstvu, te da ispunjavaju kriterije za poticaje u poljoprivredi koji su propisani Uputstvom.

Za sve potrebne informacije možete se obratiti u Službu za finansije, privredu i inspekcije, kontakt osoba Tamara Turkić.

Uputstvo i obrasce zahtjeva možete preuzeti na www.opcina-tesanj.ba ili izvršiti uvid u Uputstvo i preuzeti obrazac zahtjeva u općinskim uredima u Jelahu i Tešanjci.

USVOJENE IZMJENE I DOPUNE BUDŽETA OPĆINE TEŠANJ ZA 2012. GODINU

* Na 40. sjednici Općinskog vijeća Tešanj održanoj 31.05.2012. godine usvojene su Izmjene i dopune Budžeta Općine Tešanj za 2012. godinu.

* Budžet za 2012. godinu nakon izvršenih izmjena iznosi 12.174.000,00 KM. Ukupno uvećanje Budžeta po ovim Izmjenama i dopunama iznosi 381.000,00 KM, što predstavlja 3,23%.

* Izmjene i dopune su izvršene prvenstveno zbog većeg prenosa sredstava iz prethodne godine u odnosu na planirane Budžetom za 2012. godinu. Prenesena sredstva su veća u dijelu planiranih projekata koji su ugovoreni, a nerealizovani u protekloj godini za 229.381,67 KM. Ova sredstva su istovremeno planirana na stavci kapitalnih rashoda i izdataka „Realizacija ranije ugovorenih i prenesenih projekata iz prethodnih godina“ koja je takođe uvećana za isti iznos. Također, uvećana su prenesena slobodna sredstva koja su nastala ostvarenim uštedama ili nerealizacijom dijela aktivnosti u 2011. godini. Pored navedenih i drugih povećanja izvršena je korekcija pojedinih stavki prihoda na niže. Prije svega, umanjena je stavka „Porez na dodatnu vrijednost“ za 140.000,00 KM zbog nastalih izmjena u omjeru raspodjele između Federacije BiH i RS-a i povrata dijela prihoda u korist RS-a. Najznačajnije umanjjenje je izvršeno na stavci „Sredstva Fonda za zaštitu okoliša FBiH za projektne faze prikupljanja i prečišćavanja otpadnih voda“ za 217.000,00 KM zbog izostanka podrške Fonda za novu fazu u 2012. godini.

* Visina i struktura prihodovne strane Budžeta nakon izvršenih izmjena i dopuna je iskazana u sljedećem tabelarnom pregledu:

Vrsta prihoda - primitka	Plan za 2012. godinu		Plan nakon Izmjena i dopuna za 2012. godinu	
	Iznos	Procent	Iznos	Procent
1	2	3	4	5
Direktni porezi	1.558.000,00	13,21%	1.608.000,00	13,21%
Indirektni porezi	4.700.000,00	39,85%	4.560.000,00	37,46%
Neporezni prihodi	2.356.000,00	19,98%	2.305.000,00	18,93%
Tekući grantovi	782.000,00	6,63%	782.000,00	6,42%
Kapitalni grantovi i primici	1.252.000,00	10,62%	1.035.000,00	8,50%
Prenesena sredstva	1.145.000,00	9,71%	1.884.000,00	15,48%
Kreditno zaduženje	0,00	0,00%	0,00	0,00%
SVEGA PRIHODI I PRIMICI	11.793.000,00	100,00%	12.174.000,00	100,00%

* Na rashodovnoj strani Budžeta izvršene je raspodjela planiranog uvećanja prvenstveno na kapitalnom dijelu. Nije planirano uvećanje sredstava za bruto plate i naknade, dok su sredstva za materijalne rashode uvećana za 20.000,00 KM, zbog povećanja cijene grijanja i preraspodjele sredstava za obilježavanje 4. aprila. Povećanje je izvršeno i u dijelu tekućih grantova također za 20.000,00 KM, prije svega, uključanjem sredstava za subvencioniranje grijanja penzionera i pomoći za registraciju birača u Srebrenici.

Uvećanje kapitalnog dijela budžeta iznosi 9,46%, odnosno 341.000,00 KM. Dio uvećanja od 229.381,67 KM se odnosi na realizaciju ranije ugovorenih i prenesenih projekata iz prethodnih godina. Također, uvećana je stavka „Izrada prostorno planske i druge projektne dokumentacije“ za 25.000,00 KM. Pored toga, umanjena su sredstva za finansiranje projektne faze prikupljanja i prečišćavanja otpadnih voda za 140.000,00 KM zbog izostanka podrške Fonda, a sredstva su raspoređena na nove projekte.

Preostali dio sredstava je raspoređen na nove projekte: realizacija urbanističkog rješenja Centar Tešanj (45.000,00 KM), istražni radovi vodosnabdijevanja (50.000,00 KM), I faza gradnje novog objekta iznad zgrade Općine (50.000,00 KM), radovi na objektu Doma kulture u Tešnju (15.000,00 KM), sportski poligoni Bukva i Lepenica (25.000,00 KM), uređenje prilaza džamiji u O. Planjama (20.000,00 KM), ograda na katoličkom groblju u Tešnju (10.000,00 KM), spomen obilježje u MZ Bobare, Drinčići, Blaževci (5.000,00 KM) i sredstva za opremu škola u okviru projekta Dječiji parlament (7.000,00 KM).

* Konačna visina i struktura rashodovne strane Budžeta iskazana je u sljedećem tabelarnom pregledu:

R. br.	Vrsta rashoda i izdataka	Plan za 2012. godinu	Procent 4/suma	Izmjene i dopune za 2012.god.	Procent 6/suma
1	2	3	4	5	6
1	Sredstva za plate i naknade	2.207.000,00	18,71%	2.207.000,00	18,13%
2.a	Direktni materijalni rashodi organa uprave	768.400,00	6,52%	788.400,00	6,48%
2.b	Ostale usluge za opštedruštvene potrebe	1.445.000,00	12,25%	1.445.000,00	11,87%
3	Tekući grantovi (transferi), kamate i sredstva rezervi	3.570.600,00	30,28%	3.590.600,00	29,49%
4	Kapitalni grantovi (transferi) i izdaci	3.605.000,00	30,57%	3.946.000,00	32,41%
5	Povrat sredstava finansiranja	197.000,00	1,67%	197.000,00	1,62%
	UKUPNO	11.793.000,00	100,00%	12.174.000,00	100,00%

PREDSJEDAVAJUĆI PREDSDJEDNIŠTVA BiH POSJETIO OPĆINU TEŠANJ

Predsjedavajući Predsjedništva BiH Bakir Izetbegović u ponedjeljak, 16. aprila posjetio je Općinu Tešanj. Predsjedavajućeg Izetbegovića primili su predsjedavajući Općinskog vijeća Esmir Subašić i Općinski načelnik Fuad Šišić. Tokom sastanka u Općini Tešanj, Općinski načelnik upoznao je predsjedavajućeg Izetbegovića o osnovnim podacima, trenutnim aktivnostima i planovima lokalne uprave u narednom periodu.

Zadovoljan sam onime što sam vidio, Tešanj može biti primjer drugim općinama u BiH, kazao je predsjedavajući Predsjedništva BiH Bakir Izetbegović.



Počašćeni smo današnjom posjetom i što smo imali priliku predstaviti sve ono što mi u Tešnju radimo, kazao je Općinski načelnik Fuad Šišić.

Sastanku su prisustvovali i zastupnik u Parlamentu BiH Šemsudin Mehmedović, savjetnik Općinskog načelnika za ekonomiju Izudin Ahmetlić, direktor firme AS Rusmir Hrvić.

PREDSJEDAVAJUĆI PREDSDJEDNIŠTVA BiH: SASTANAK SA PRIVREDNICIMA



Nakon sastanka u Općini Tešanj, predsjedavajući Predsjedništva BiH Bakir Izetbegović sastao se sa privrednicima sa područja općine Tešanj. Privrednici su predsjedavajućeg Izetbegovića upoznali o problemima sa kojima se susreću kada je u pitanju izvoz u zemlje EU.

Tešanjski privrednici definitivno mogu biti primjer u cijeloj BiH. Nakon iznesenih prijedloga i primjedbi, vidjet ćemo šta se može uraditi kako bi se stanje popravilo, kazao je predsjedavajući Predsjedništva Bakir Izetbegović.

Nakon sastanka sa privrednicima, predsjedavajući Izetbegović obišao je pogone u firmi AS

CENTRALNO POSTROJENJE ZA PREČIŠĆAVANJE OTPADNIH VODA

U Općini Tešanj potpisan je Sporazum o izgradnji centralnog postrojenja za prečišćavanje otpadnih voda općina Tešanj, Doboj Jug i Usora. Sporazum su potpisali direktor Fonda za zaštitu okoliša Safet Harbinja i načelnici općina Tešanj (Fuad Šišić), Doboj Jug (Džavid Aličić) i Usora (Anto Čičak).



Predmet Sporazuma je rješavanje tretmana otpadnih voda tri općine, planiranjem i izgradnjom zajedničkog postrojenja za prečišćavanje otpadnih voda.

Zadovoljan sam da smo krenuli sa novim pristupom rješavanja problema - jedno postrojenje za prečišćavanje otpadnih voda za sve tri općine, kazao je direktor Fonda za zaštitu okoliša FBiH Safer Harbinja.

Mi smo već krenuli sa aktivnostima, a ovim Sporazumom zajednički ćemo dugoročno riješiti problem prečišćavanja otpadnih voda na području sve tri općine, kazao je Općinski načelnik Fuad Šišić.

Općine će zajednički aplicirati za sredstva Evropske investicione banke, a projekat će se finansirati i sredstvima Federacije BiH i iz lokalnih budžeta.

DODATNIH 14 STIPENDIJA

U Sali Općinskog vijeća Tešanj, 14. juna potpisano je dodatnih 14 ugovora o stipendiranju studenata u studijskoj 2011-2012. godini. Radi se o 14 studenata koji su uslovno bili na čekanju zbog konkursne procedure Ministarstva za boračka pitanja ZDK.

Prigodnim govorom, studentima i roditeljima obratio se Općinski načelnik Fuad Šišić, te iskazao zadovoljstvo što je Općina Tešanj u posljednje 4 godine uspjela da obezbjedi stipendije svim studentima koji ispunjavaju uslove konkursa.

U ovoj školskoj godini na općinski konkurs ukupno se prijavilo 414 studenata, od čega je 379 ispunjavalo uslove, a sa 321 studentom je potpisan ugovor o stipendiranju.



STUDIJSKA POSJETA TEŠNJU

U okviru realizacije projekta *Podrška lokalnom i regionalnom ekonomskom razvoju (LRWF)* njemačka vladina organizacija GIZ organizovala je studijsku posjetu općini Tešanj za predstavnike jedinica lokalne samouprave BiH. Općinu Tešanj posjetili su predstavnici općina Žepče, Kakanj, Ilidža, Vogošća, Ilijaš, Petrovo, Gračanica, Mrkonjić Grad, Modriča, Gradiška, Kozarska Dubica i Srbac.

Tokom ove posjete, Općinski načelnik Fuad Šišić i saradnik za informatiku Edin Jašarević prezentovali su kako funkcionišu implementirani servisi za ubranu komunikaciju (E-Uprava) i reformisani sistemi pružanja usluga, kao primjer dobre prakse, saradnje i odnosa administracije općine Tešanj prema njenim građanima i poslovnim subjektima.

Cilj studijske posjete je upoznavanje sa najboljim praksama u lokalnom ekonomskom razvoju koje postoje u općinama sa kojima je GIZ uspostavio saradnju, a posebno podrške razvoju preduzetništva i unapređenju efikasnosti općinske administracije i lokalne uprave.

Projekat *Podrška lokalnom i regionalnom ekonomskom razvoju (LRWF)* se realizuje u ime Ministarstva za ekonomsku saradnju i razvoj Savezne Republike Njemačke (BMZ-a) u BiH od 2008. godine.



JAČANJE LOKALNE DEMOKRATIJE LOD II

U Hotelu 'Europe' u Sarajevu, 24. aprila održana je završna radionica projekta kojeg finansira EU "Jačanje lokalne demokratije II LOD II", a na kojoj su predstavljeni rezultati projekta provedenog u 15 bosansko-hercegovačkih općina. Na radionici su prisustvovali načelnici partnerskih općina i drugih jedinica lokalne samouprave, predstavnici organizacija civilnog društva, Ministarstva pravde BiH, Delegacije EU u BiH, Saveza općina/opština i gradova FBiH i RS i Razvojnog programa Ujedinjenih nacija (UNDP) u BiH.

U ime Općine Tešanj, skupu je prisustvovao pomoćnik Općinskog načelnika Suad Huskić, koji je kroz prezentaciju prisutnima predstavio primjere vrlo pozitivnih iskustava Općine Tešanj u saradnji sa udruženjima građana i primjenom Lod metodologije. Prezentacija, kao i primjeri iz općine Tešanj ocijenjeni su uspješnim. U ime udruženja koja su učestvovala u projektima radionici su prisustvovali i Almir Ramić iz udruženja Sehara, i Adnan Lihčić iz udruženja Eko mladi.

Tokom radionice se razgovaralo i o poboljšanju postojećih mehanizama finansiranja riješiti problemi u lokalnim zajednicama. Rezultati ovih razgovora će se vidjeti u budućnosti prilikom primjene određenih evropskih standarda u dodjeljivanju budžetskih sredstava za provedbu projekata organizacija civilnog društva na lokalnom nivou.

Kako je najavljeno iz Delegacije EU u BiH, i od osoblja UNDP-a, vrlo skoro se može očekivati projekat LOD3, vrijednosti 2 miliona eura, za koji će moći aplicirati općine koje do sada nisu bile u projektu, ali i općine koje su sudjelovale u projektu LOD1 i LOD2.



ZUTEKS

POSJETA PRIVREDI

Općinski načelnik Fuad Šišić sa saradnicima posjetio je i obišao porodičnu firmu koja se bavi kućnim tekstilom ZUTEX i u razgovoru sa vlasnicima, braćom Subašić saznao osnovne informacije, trenutne aktivnosti, ali i planove u narednom periodu.

Ponosni smo na komplet usluga, ali i kvalitetu proizvoda koji nude firma ZUTEX, koja može biti primjer drugim firmama koje se žele baviti ovom djelatnošću, kazao je Općinski načelnik.

Detaljnije o ZUTEX-u možete pogledati na www.zuteks.ba



POSJETA FARMI ZLATNI PILE

U okviru posjete privrednicima sa područja općine Tešanj, Općinski načelnik sa saradnicima posjetio je i obišao i farmu pilića *Zlatno pile* u vlasništvu Smaje Ganjge.

Prošle godine izgrađena su dva nova objekta za tov pilića ukupne korisne površine oko 3.000 m², kapaciteta cca 50.000 komada pilića u jednom turnusu, a objekat je opremljen najsavremenijom opremom.

Ovo je još jedan primjer uspješne firme na području općine Tešanj. Farma Zlatno pile se bavi uzgojem pilića za firmu Madi i garantuju zdrav način uzgoja pilića, što je od posebne važnosti za sve potrošače, kazao je Općinski načelnik.

POSJETA FIRMAMA SALKIĆ I OAZA

Tokom maja, Općinski načelnik sa saradnicima posjetio je također i firme za proizvodnju stolarije *Salkić* i *OAZA*, prvu tešanjsku vodu koja je dobila zlatnu medalju za kvalitet u Americi.



Firma Salkić je još jedan pozitivan primjer uspješnog porodičnog biznisa, koja je postigla sjajan uspjeh u tehnološkom smislu i svojom kvalitetom zauzima posebno mjesto na tržištu, kazao je Općinski načelnik.

Detaljnije o firmi Salkić pogledajte na: www.salkic.co.ba



Tešanjski kiseljak OAZA je prva voda u Tešnju koja je svojom kvalitetom postigla uspjeh na Sajmu u Americi i na taj način promovisala našu sredinu u pozitivnom smislu. Nadam se da će i u narednom periodu bilježiti uspjeh u svom radu, istakao je Općinski načelnik.

Detaljnije o vodi OAZA pogledajte na: www.kupujmodomace.ba

DODIJELJENI ČEKOVI ZA PROJEKTE OMLADINSKE BANKE

U Sali Općinskog vijeća Tešanj dodijeljeni su čekovi za deset projekata neformalnih grupa mladih koji su odobreni putem Omladinske banke. To su projekti: Ljetnja škola košarke za djevojčice, Pješačka staza kraj rijeke Usore, Poligon malih sportova Jelah Polje, Omladinski dom, Sportskim aktivnostima protiv socijalne isključenosti djece u ruralnim sredinama, Pravljenje dječijeg igrališta i sanacija dijela zaštitne ograde, Izgradnja sportskih terena, Sportom protiv poroka, Izgradnja ljetnjikovca na Katinom Brijegu, Sportski teren Bukva 2.

Sretan sam što je opredjeljenje mladih ljudi sa područja općine Tešanj da sami doprinose razvoju svoje sredine, ne čekajući da neko drugi rješava njihove probleme. Do sada se ovo pokazalo kao jedan veoma koristan i uspješan projekat koji će biti nastavljen i u narednom periodu, kazao je Općinski načelnik Fuad Šišić.

O radu Kreditnog odbora, uslovima za bodavanje, ali i o samim projektima govorio je član Kreditnog odbora Omladinske banke Tešanj Kenan Korajlić.

U ime Fondacije MOZAIK dodjeli čekova prisustvovala je Menadžer projekta Armela Ramić. Ove godine iz budžeta Općine Tešanj i Fondacije MOZAIK, a putem Omladinske banke obezbjeđeno je 34.248,00 KM.

Inače, program Omladinske banke ima za cilj da poveća učešće mladih u razvoju lokalnih zajednica kroz aktivnu ulogu u procesima donošenja odluka, te pružanje podrške aktivnostima mladih u njihovim zajednicama kroz dodjelu bespovratnih novčanih sredstava projektima neformalnih grupa mladih.

Omladinskim bankama upravljaju odbori sastavljeni od deset članova u dobi od 15 do 30 godina, izabranih na javnom pozivu i edukovanih da vode program malih grantova koji direktno podržavaju jačanje povjerenja i saradnju mladih te njihove projekte.



ABDULAH SIDRAN U TEŠNJU



Općinski načelnik Fuad Šišić primio je bosanskohercegovačkog pjesnika i filmskog scenaristu Abdulaha Sidrana koji će od narednih sedmica postati stanovnik Tešnja. Abdulah Sidran posjetio je Općinskog načelnika u društvu predsjednika Društva pisaca BiH Amira Brke. Ovom prilikom Općinski načelnik upoznao je budućeg stanovnika naše općine, o osnovnim podacima o općini, trenutnim aktivnostima i planovima lokalne uprave u narednom periodu.

Sretan sam da je Abdulah Sidran odlučio živjeti u Tešnju, što će još više upotpuniti kulturni život naše općine, kazao je Općinski načelnik Fuad Šišić.

SVEČANA SJEDNICA OMLADINSKOG PARLAMENTA

U Sali Općinskog vijeća Tešanj održana je Svečana sjednica Omladinskog parlamenta općine Tešanj na kojoj su promovisani kandidovani projekti djece i omladine osnovnoškolskog i srednjoškolskog uzrasta. Prezentovano je ukupno pet projekata koji su zadovoljili uslove javnog poziva, od čega su četiri zauzela prva tri mjesta i to:

3. mjesto - Gimnazija Musa Ćazim Ćatić;

2. mjesto - OŠ 9. septembar Medakovo;

1. mjesto - OŠ Džemal Bijedić Miljanovci i Srednja tehnička škola.

Svečanoj sjednici Omladinskog parlamenta prisustvovali su zamjenica rezidencijalne predstavnice UNICEF u BiH Anne-Claire Dufay, predsjedavajući Općinskog vijeća Tešanj Esmir Subašić, Općinski načelnik Fuad Šišić, predstavnici Kantonalnog ministarstva obrazovanja, nauke, kulture i sporta, vijećnici u Općinskom vijeću, direktori osnovnih i srednjih škola, kao i predstavnici medija. Ovom prilikom, prigodnim govorom predstavnicima Omladinskog parlamenta obratili su se zamjenica rezidencijalne predstavnice UNICEF u BiH, stručni saradnik u Kantonalnom ministarstvu obrazovanja i Općinski načelnik.



Projektne aktivnosti Dječijeg/omladinskog parlamenta općine Tešanj su definisane godišnjim planom rada, a sastavni su dio projekta u okviru MDGF programa koji je finansiran od strane Vlade kraljevine Španije, a usmjeren ka dostizanju Milenijumskih razvojnih ciljeva. Projekat pod nazivom *Kultura za razvoj* se implementira od strane tri agencije Ujedinjenih nacija (UN): UNDP, UNESCO i UNICEF u 10 bosanskohercegovačkih općina.

Omladinski parlament općine Tešanj formiran je u partnerstvu sa Feed fondacijom iz Banjaluke i općinom Tešanj i do sada je realizovao svoje dvije redovne sjednice. Budžet za realizaciju odabranih projekata je obezbijedila općina Tešanj.

ZAVRŠNA MANIFESTACIJA PROGRAMA MDGF

Manifestacija obilježavanja uspješnog završetka komponente za interkulturalno obrazovanje programa MDGF *Kultura za razvoj* je održana u prostoru Doma mladih u Sarajevu. Među brojnim učesnicima iz područja političkog, obrazovnog i kulturnog života, manifestaciji su prisustvovali i predstavnici općine Tešanj na čelu sa Doc.dr. Ismar Alagić-em, Savjetnikom općinskog načelnika i Općinskim koordinatorom MDGF programa. UNICEF, UNESCO i UNDP zajedno sa partnerima u Vladi i lokalnim nevladinim organizacijama implementirali su MDGF-ov program *Kultura za razvoj* na prostoru 10 općina u BiH počev od januara 2009. godine. Među navedenih 10 najuspješnijih općina u BiH svoje mjesto je pronašla i općina Tešanj



koja je jedinstvena po tome što je realizovala projektne aktivnosti iz djelokruga rada sve tri gore navedene UN agencije. Financijsku podršku programu pružila je Vlada Kraljevine Španije. Glavni cilj programa bio je da pozicionira kulturne različitosti u središte obrazovnih i kulturnih politika i njihove implementacije. Tokom implementacije program je doprinio poboljšanju kulturnog dijaloga, inkluzivnog i interkulturalnog obrazovanja, međukulturoloških inicijativa i jačanja kulturne industrije u BiH. Svrha završne manifestacije je da se prikažu rezultati i uspjesi u interkulturalnom obrazovanju široj javnosti i zajedno proslavi uspješan završetak aktivnosti unutar komponente za obrazovanje. Predstavnici Dječijeg/omladinskog parlamenta općine Tešanj u društvu školskih koordinatora g. Karahmeta i gđe. Karagić su bili jedni od primjera najuspješnijih projektnih aktivnosti iz

cjelokupnog programa MDGF. Tokom završne manifestacije uručena su priznanja i zahvalnice za poseban doprinos uspješnoj realizaciji projekta. Jedan od dobitnika zahvalnice je bio Doc.dr. Ismar Alagić za uspješnu realizaciju programa MDGF na prostoru općine Tešanj.

DEMINIRANJE NA PROJEKTNOM ZADATKU LONČARI-VARIVODE

U toku su aktivnosti na deminiranju minirane površine na projektnom zadatku ID 7336 Lončari-Varivode (BH MAC ID 13156) u MZ Miljanovci Lončari, koji zahvata površinu od 70.262 m². Ovaj projekat je nastavak započetih aktivnosti iz prošle godine, koji su zbog zimskog peioda bili obustavljeni. Predstavnici Službe civilne zaštite su obišli predstavnike tima Federalne uprave civilne zaštite koji izvode deminiranje i uvjerali se da aktivnosti na deminiranju teku bez problema.

Aktivnosti deminiranja provode se metodom tehničkog izviđanja.

ISPITIVANJE ZAGAĐENOSTI ZEMLJIŠTA

Od strane predstavnika Federalnog instituta za agropedologiju iz Sarajeva izvršeno je uzimanje uzoraka zemljišta na pet lokacija na području općine Tešanj.

Navedena aktivnost se provodi u skladu sa ciljem iz Strategije za dostizanje vizije - *Tešanj, sredina ekološke svijesti, čistoće i reda*, a odnosi se na provođenje monitoringa zagađenosti zemljišta. Nakon uzorkovanja i provedene analize utvrditi će se opće stanje zagađenosti zemljišta na uzorkovanim lokacijama.

**SASTANAK SA PREDSTAVNICIMA NORVEŠKE NARODNE POMOĆI I BHMACA**

U kancelariji pomoćnika općinskog načelnika za civilnu zaštitu, dana 07.06.2012. godine, održan je sastanak predstavnika civilne zaštite općine Tešanj, općinskog koordinatara za deminiranje, predstavnika Humanitarne organizacije Norveška narodna pomoć i predstavnika BH MAC-a. Cilj sastanka i posjete je nastavak aktivnosti na pripremi projekata za čišćenje površina od neeksploziranih ubojnih sredstava koje su tokom rata bile zahvaćene djelovanjem kasetnog naoružanja. Provedene su aktivnosti tehničkog izviđanja pet lokacija koje je prošle godine općina Tešanj kandidovala kod navedene humanitarne organizacije. Predstoje aktivnosti protivminskog djelovanja i čišćenje kandidovanih lokacija, koje su najavljene za august mjesec. Realizaciju projekata finansira Vlada Norveške putem Humanitarne organizacije Norveška narodna pomoć.

**PROCJENA UGROŽENOSTI I PLAN ZAŠTITE OD POŽARA OPĆINE TEŠANJ**

U skladu sa Zakonom o zaštiti od požara i vatrogastvu F BiH i ZDK, Služba civilne zaštite je pokrenula aktivnosti na izradi Procjene ugroženosti od požara općine Tešanj i Plana zaštite od požara općine Tešanj, koji ujedno predstavljaju i strateške dokumente u organizaciji zaštite od požara, kao jednog od najbitnijih i najprisutnijih segmenata zaštite i spašavanja. U skladu sa tim donesen je Program rada za izradu navedenih strateških dokumenata i određena radna grupa koja će izraditi navedene dokumente. Rok za izradu navedenih dokumenata je kraj 2012. godine.



TEŠANJ

OAZA KVALITETA



auto dijelova, prehrane, obrade metala i nemetala, hemije, tekstila i kože, prerade drveta, eksploatacije mineralnih voda...





Vizija

Tešanj – sredina ekološke svijesti, čistoće i reda



POVJERENJE – Ono što kažemo to i radimo
IZVRSNOST – Težimo uvijek raditi najbolje